

Broj: 01-04-2-829-2/22
Datum: 07 JUL 2022

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
ZASTUPNIČKI/PREDSTAVNIČKI DOM
Tajnik/Sekretar
Ul. Hamdije Kreševljakovića br. 3
71 000 Sarajevo
n/r: Ivan Miličević, Tajnik**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 08-07-2022			
Org. jed.	Broj	Priloga	Vrijednost
05/1	-02-	228	/22

Predmet: Odgovor na zastupničko pitanje, dostavlja se

Poštovani,

Vašim dopisom broj 05/1-02-228/22 od 30.06.2022. godine, dostavili ste Federalnom zavodu za statistiku zastupničko pitanje koje je zastupnica Jasmina Zubić postavila na 34. redovitoj sjednici Zastupničkog doma Parlamenta Federacije BiH održanoj 28.06.2022. godine.

Zastupničkim pitanjem se traži objašnjenje izračuna prosječne neto plaće u Federaciji BiH koju objavljuje Federalni zavod za statistiku. Obavještavamo Vas da Federalni zavod za statistiku ne koristi podatke o prosječnim plaćama od Porezne uprave Federacije BiH, nego vrši prikupljanje i statističku obradu podataka o plaćama na osnovu Mjesečnog statističkog istraživanja o plaćama zaposlenih (Rad-1). Putem ovog istraživanja prikupljaju se podaci o neto i bruto plaćama zaposlenih od svih pravnih osoba koje zapošljavaju 10 i više zaposlenih.

Prosječna mjesečna isplaćena neto plaća obuhvaća isplaćenu plaću za obavljeni rad, kao i naknade plaća po osnovu radnog odnosa: godišnji odmor, plaćeni dopust, državne praznike i neradne dane utvrđene zakonom, bolovanja koja isplaćuje poslovni subjekat, plaćeno odsustvo sa posla, zastoje u poslu bez krivnje zaposlenog.

Prosječna mjesečna isplaćena bruto plaća obuhvaća sve vrste neto isplata plus zakonom propisana obavezna izdvajanja iz bruto plaće (doprinosi iz bruto plaće i akontacija poreza na dohodak).

Prosječna mjesečna isplaćena neto i bruto plaća po zaposlenom izračunava se dijeljenjem ukupnih isplata sa brojem zaposlenih koji su učestvovali u isplatama.

Prosječna mjesečna isplaćena neto plaća koju objavljuje Federalni zavod za statistiku ne sadrži porez na dohodak. Ova napomena je sadržana u metodološkim objašnjenjima svakog saopćenja o plaćama koje objavljuje Federalni zavod za statistiku.

Prije stupanja na snagu Zakona o porezu na dohodak ("Službene novine Federacije BiH", broj: 10/08, 9/10, 44/11, 7/13 i 65/13) našim dopisom od 26.11.2008. godine obratili smo se Federalnom ministarstvu finansija sa pitanjem da li Federalni zavod za statistiku treba da nastavi sa obradom i publikovanjem podataka o neto plaći ili samo bruto plaći. Ukoliko obaveza obrade i objavljivanja neto plaće ostaje na snazi zatražili smo od Federalnog ministarstva finansija tumačenje sadržaja prosječne neto plaće tj. da li će prosječna mjesečna neto plaća sadržavati porez na dohodak ili ne.

Federalno ministarstvo finansija nas je obavijestilo da obaveza objavljivanja prosječne neto plaće ne prestaje jer ista ostaje osnovica za utvrđivanje naknada koje proističu iz odredbi Uredbe o naknadama i drugim materijalnim pravima koja nemaju karakter plaće ("Službene novine Federacije BiH", br. 34/04, 56/04, 68/05, 33/06 i 76/07) kao i za utvrđivanje prava propisanih kolektivnim ugovorima.

U istom odgovoru na dopis su dali tumačenje sadržaja neto plaće: Neto plaća je iznos plaće koji zaposlenik prima od poslodavca po obustavi i uplati doprinosa i poreza na dohodak.

U prilogu dostavljamo dopis Federalnog ministarstva finansija iz 2008. godine u kome je navedeno šta podrazumijeva neto plaća.

Napominjemo da se obračun i objavljivanje podataka o plaćama za nivo BiH vrši u Agenciji za statistiku BiH (BHAS). Za obračun istih koriste se podaci o plaćama iz Federalnog zavoda za statistiku, Republičkog zavoda za statistiku Republike Srpske i Agencije za statistiku BiH - Podružnice/Ekspoziture Brčko.

Sve tri statističke institucije u BiH vrše obračun i objavu podataka o neto plaći koja ne sadrži porez na dohodak.

S poštovanjem,



p.o. DIREKTOR - v
Doc.dr. Emir Kremić

Prilog: Dopis Federalnog ministarstva finansija

Dostaviti:

1. Naslovu
2. Odsjeku za statistiku tržišta rada
3. a/a

Broj:03-02-7640-/08
Sarajevo, 02.12.2008.

FEDERALNI ZAVOD ZA STATISTIKU
n/r direktora

SARAJEVO

PREDMET: Utvrđivanje prosječne neto plaće
VEZA: Vaš akt od 26.11.2008. godine

04-32.8-1327/08

Poštovani,

U vezi Vašeg akta, dostavljenog ovom ministarstvu pod gornjim datumom, obavještavamo Vas o slijedećem:

Obaveza objavljivanja prosječne neto plaće ne prestaje jer ista ostaje osnovica za utvrđivanje naknada koje proističu iz odredbi Uredbe o naknadama i drugim materijalnim pravima koja nemaju karakter plaće („Službene novine Federacije BiH“, br. 34/04, 56/04, 68/05, 33/06 i 76/07) kao i za utvrđivanje prava propisanih kolektivnim ugovorima.

Neto plaća, je iznos plaće koji zaposlenik prima od poslodavca po obustavi i uplati doprinosa i poreza na dohodak.

S poštovanjem,



MINISTAR
Vjekoslav Bevanda